

Өвс хадлгын Черноземельск районд

Черноземельск районо МЖС-н механизатормуд болн цуг куч-көлсчир олна малд хойр джилдэн курх, теегин сэн шимтэ өвс белдхмн гидж авсн даалгьвран болзгтнь, сэн чинртэгьэр күүцэхэр зүткдж кōдлджэцхэнэ.

Эн джил 593 миньгын гектар газрин өвс хадж болдж даалгьвр эдн авчхасмн, ода хадчксьн—515 миньгын гектар газрин өвсн, эс гидж зурагьан 86 процент кургдж күүцэхэв.

Эдн дунд Комсомольск болн Черноземельск хойр МЖС ик сэн үзмджтэ кōдлмштэ. Комсомольск МЖС 113 миньгын 608 гектар газрт өвс хадчкв, зурань болхла 90 миньгын гектар бэасмн. Черноземельск МЖС механизатормуд 112 миньгын 910 гектар газрт өвс хаддж хурацхав, зурань—106 миньгын гектар билэ.

Өвс хадлгь дахулдж, эн хойр МЖС өвс хуралгьна кōдлмш чаньгьадж, малин үвлэнгүр өвсн зōддж овалджацхана.

Тер метэр „Черноземельский“ совхозин куч-көлсчир өвс хаддж хуралгьнд социалистическ дōрдэ дргэр делгрүлдж, өвс хадачир дунд цэалгьврин кōдлмш тасрхан уга кедж, 35 миньгын 324 гектар газрин өвс хадж, түүг дахулдж дарунь ковньг тэвдж йовцхана. Өвс хадлгьна зурань—73 миньгын гектар газр.

Эн совхозин механизатормуд өвс хаддж хуралгьна техникэн бүүкднь олзлдж эдл-

джэцхэнэ. Тедн дунд трактористир Н. Мухараев, И. Тищенко, А. Баранов эдлджэ машидтэн эвдрлт гаргьл уга, сээнэр хэлэдж кōдлдж, 10 дорин эргид 570-600 гектар газрин өвс хадцхав.

Иим, кōдлмштэн унн седклэн тэвсн, сэн үзмджтэ трактористир МЖС болгьнд дала бээнэ. Улгүрнь, Комсомольск МЖС-н трактористир А. Г. Шаманаев, И. Ф. Балкин авсн даалгьвран 250-300 процент кургдж сэн чинртэгьэр күүцэнэ. Черноземельск МЖС-н механизатормуд В. П. Рогозин, А. Я. Колесников, Л. В. Домаров болн В. И. Гринько дорэ кемджэгьан 150-200 процент күүцэнэ.

Полевой МЖС-н механизатормуд Н. Д. Колодин, А. Б. Гучинов, И. Д. Шевченко болн нань чигн кесг өвс хадачир зүткдж кōдлдж, шалгь болгьнд 25-27 гектар газрин өвс дōртэн хадж, ик диилврмуд бэрджэцхэнэ.

Болв эн МЖС-р өвс хуралгьн болн малмуд үвлэх бээрнүр өвс зōблгьн зōвэр ик хашнь йовна.

Хар газрин теегин өвс хадж хуралгьнд сургьульч-комсомольчирин бригад шундж кōдлдж, ик дōнтьгэн кургджэцхэнэ. Эдн авсн даалгьвран давулдж күүцэнэ. Тер метэр Черноземельск районо церглэчир чигн өвснэ кōдлмшт сэн үзмджтэ куч-көлсн дгчэнэ.

Хар газрин у теегин хаддад уга өвснэ агьу ода чигн энъ-зах уга ик элвг. Эн өвсиг хадж, хурадж, олна малдан элвгэр хот белдлгь зогсахмн биш. Эн ик чинртэ тōрт колхозмудин, совхозмудин болн МЖС-н гарлачир, эклц парт-организацсин сеглэтрмүд оньган дгч, оln механизатормудин дунд цэалгьврин кōдлмш делгрүлдж, олна малиг хойр джилэ хотар теткхмн.

С.-Г. ГОШЕНДАНОВ.